



## **Universitätsbibliothek Paderborn**

**Cavtio Criminalis, Seu De Processibvs Contra Sagas Liber**

**Spee, Friedrich von**

**Francofurti, 1632**

51. Quae sit breuis summa & methodus Processuum contra Sagas hodie  
apud multos in vsu, digna quam Diuus Caesar intelligat, & Germania  
consideret.

**urn:nbn:de:hbz:466:1-11133**

434 Dub. LI. Quæ sit summa processuum  
viam procedendi esse ait, nisi per has  
Satanicas denunciations, parum dis-  
crete zelat.

### D U B I V M L I.

*Quæ breuis sit summa & methodus proce-  
ssuum contra Sagas hodie apud multos in u-  
su, digna quam Diuus Cæsar intelli-  
gat, & Germania consi-  
deret?*

**R**ESPONDEO, Poterat hanc sum-  
mam lector quiuis ex tractatu hoc  
ipse apud se colligere: sed quod mihi  
id fuit factu facilius, eam hic apponam,  
omissis tamen multis quæ commode  
inseri non poterant: de quibus consu-  
lantur haec tenus dicta, vti & de his quæ  
hic posita sunt, si diductius lubet sin-  
gula cognoscere. Itaque summa hæc  
est:

i. Incredibilis vulgi apud Germa-  
nos, & maxime (quod pudet dicere)  
Catholicos supersticio, inuidia, calu-  
mniæ, detractiones, susurrations &  
familia, quæ nec Magistratus punit,  
nec

nec concionatores arguunt, suspicio-  
nem magiae primum excitant. Omnes  
diuinæ punitiones, quas in sacris literis  
Deus minatus est, à Sagis sunt. Nihil  
iam amplius Deus facit aut natura, sed  
Sagæ omnia.

2. Vnde impetu omnes clamant  
vt igitur inquirat Magistratus in Sagas,  
quas non nisi ipsi suis linguis tot fece-  
runt.

3. Mandant ergo Principes suis Iudi-  
cibus & Consiliariis, vt incipient in Sa-  
gas procedere.

4. Nesciunt hi primum vnde ordian-  
tur, cum indicia seu probationes non  
habeant: nec temere tamen hic quic-  
quam moliendum esse à conscientia  
sua satis audiant.

5. Monentur interim bis terve vt  
procedant. Clamat vulgus moram  
hanc non carere suspicione. Et pene i-  
dem sibi, à nescio quibus informati,  
Principes persuadent.

6. Hos autem offendere & non subi-  
to obsequi, in Germania graue est: ple-  
riique omnes, etiam viri spirituales ni-

436 Dub.LI. Quæ sit summa processuum  
mum pene probant, quæcunque mo-  
do Principibus placuerunt: neç ad-  
uertunt à quibus hi sæpe instigentur  
quantu[m]uis optimi natura sua sint.

7. Tandem igitur voluntati eorum  
Iudices cedunt, atque aliqua demum  
via processibus initium inueniunt.

8. Aut si illi adhuc hærent, & hor-  
rent tangere rem periculosa[m], mitti-  
tur Inquisitor ad id singulariter depu-  
tatus: qui si quid secum trahat imperi-  
tiæ & impetus, vt fieri in humanis re-  
bus solet, id in hac materia colorem  
ac nomen mutat, & non nisi mera iu-  
stitia ac zelus est; quem vtique spes lu-  
cri non imminuit, præsertim in homi-  
ne tenuiore & auido habendi cum fa-  
milia plena prolibus est, & in singula-  
reorum vrendorum capita aliquot da-  
lerorum stipendum constitutum est,  
præter accidentarias collectas & con-  
tributiones, quas liberrime à paganis  
exigere Inquisitoribus permisum est,  
vt supra.

9. Tum si dictum aliquod Energua-  
meni aut si malignus & spurius horum  
tem-

temporum rumor (non enim vñquam probata fama) in pauperculam aliquam & vilem Gaiam grauis incubuit; ea prima est.

io. Ac ne tamen ex solo hoc rumore sine aliis indiciis, vt vocant, processum esse videatur; ecce subito in promptu est indicium aliquod per hoc dilemma: Vel enim Gaia ea malæ & improbæ vitæ fuit, vel bonæ ac probæ. Si malæ; indicium id, aiunt, magnum est: nam à malitia ad malitiam prona præsumptio est. Si autem bonæ; & hoc quoque indicium non minus est: nam sic, aiunt, tegere se Sagæ solent, & vel maxime videri probæ velle.

ii. Rapi igitur Gaia in carcerem iubetur: & ecce nouum iterum indicium per hoc dilemma: Vel enim timere se tunc ostendit, vel non ostendit. Si ostendit (quippe cum audierit quam grauibus tormentis in hac materia vti soleant) iam hoc indicium est: nam conscientia accusat, aiunt. Si non ostendit (quippe cum innocentiae confidat) iam id quoq; indicium est: nam hoc deniq;

438 Dub. LI. Quæ sit summa processuum propriissimum esse Sagis aiunt innocentissimas iactare se, frontemq; porrigere.

12. Ne non vero adhuc plura in eam indicia suppetant, habet Inquisitor homines suos, s̄ape improbos & infames, qui in omnem retro vitam inquirant, in qua sancte fieri non potest quin occurrat quippiam seu dictum siue factum, quod abiecta in malum hominum interpretatio in magiae culpam facile detor- queat & obuerat.

13. Sed & si qui tum ei male hactenus voluerunt, pulcherrimam nocendi opportunitatem nacti, afferunt quod quale lubet, facile reperiunt: clama- turq; passim, grauari eam magnis indi- ciis.

14. Atque ideo quamprimum ad quæ- stiones abripitur, nisi eadem adhuc die qua capta est, iam tum abrepta sit: ut s̄ape contingit.

15. Neque enim aduocatus & integrissima sui defensio quibusuis conceditur, cum clament Exceptum cri- men esse, cumq; qui defendere & ad- uoca-

uocare velit , in suspicionem criminis vocetur : vti & omnes illi qui in his causis quicquam loqui velint & Iudices monere vt cauti sint: nam mox nominant Sagarum patronos : Sic omnibus occulta ora sunt & obtusi calami , ne loquantur aut scribant.

16. Plerumque tamen , ne non aliquis saltem defensioni locus Gaiæ datum videatur : sistitur primum in speciem ac indicia ei primum præleguntur & examinantur, si tamen examinantur.

17. Quæ etsi tunc illa purgat , & ad singula accurate satisfacit , id non attenditur nec notatur , vim suam & valorem omnia retinent quantumuis optima responsione detrahatur: iubetur tantum reduci in vincula , vt consideret attentius an obstinata velit persistere: iam tum enim quia purgat iesse, obstinata est. Imo si se purgat accurate , nouum id indicium est; quippe quæ inquiunt ni Saga esset, tam eloquens non esset.

18. Vbi considerauit : rursum alio die sistitur , & prælegitur ei decretum torturæ : quasi nihil iam ante ad obiecta responderit , nec quicquam eliserit.

19. Prius tamen quam torqueatur , seducitur à liſtore , & ne contra dolorem muniat se magicis quisquiliis , ex quæruntur toto corpore detonso , atque etiam ea parte qua sexum monstrat petulanter excussa ; licet nihil tale hactenus vñquam reperiant.

20. Quidni vero mulieri id fiat cum & consecratis quoque Sacerdotibus idq; etiam ab Inquisitoribus & Officiis Ecclesiasticis Principum Ecclesiasticorum : neque enim non bruta fulmina apud Iudices Germanos habentur , quæ in Bulla Cœnæ eos pertinent , qui sine speciali & specifica Apostolicæ sedis licentia in Clericos procedunt. Quod ne Principes ipsi piensissimi atque in Romanam sedem obseruantissimi intelligent , ac proinde frænum processibus adducant , Inquisitores cauent.

21. Tum

21. Tum vbi sic excussa & detonsa  
Gaia est, torquetur vt veritatem edisse-  
rat, id est, vt sese simpliciter ream pro-  
nunciet: quicquid aliud dictura est, ve-  
ritas non erit, nec esse potest.

22. Torquetur tamen tortura primi  
generis, id est, leuiore: quod ita intelli-  
ge, vt licet grauissima quidem ea sit, ta-  
men respectu aliarum sequentium le-  
nior sit. Vnde si fatetur, aiunt & spar-  
gunt fassam esse sine tortura.

23. Quis autem Principum aliorumq;  
qui hæc audit, non existimet certissimo  
nocentem esse quæ sic vltro sine tortu-  
ra se ream fassa sit?

24. Sine scrupulo igitur vlo post hanc  
confessionem plectitur: plectenda inte-  
rim nihilominus, et si confessa non es-  
set: nam vbi modo torturæ datum ini-  
tium est, iam iacta alea est, euadere non  
potest, mori debet.

25. Itaque vt fatetur, vel non fatetur:  
xque quicquid fiat actum est. Si fate-  
tur, res clara est, nam, vt dixi & li-  
quet, plectitur: Reuocatio omnis fru-  
stra est, vt supra ostendimus. Si non

Ff 5

fate-

442 Dub.LI. Quæ sit summa processuum

fatetur, repetitur tortura bis, ter, qua-  
ter: licent omnia quæ hic lubet: neque  
enim temporis, nec acerbitatis, nec re-  
petitionis pœnarum in excepto crimi-  
ne est ratio: nihil hic peccare se putant  
Iudices quod in conscientiæ forum ad-  
ducendum sit.

26. Tum si Gaia in tormentis vel  
voluit oculos præ dolore, vel figit; no-  
ua hæc indicia sunt. Si voluit, cur, in-  
quiunt, vt concubinum suum quærit?  
Si figit autem, En, inquiunt, iam eum  
reperit, iam videt. Quod si vero ali-  
quoties torta nondum silentium ab-  
rumpit; si vultu connititur aduersus pe-  
nas, si patitur deliquium &c. clamant  
eam ridere & dormire in tormentis, v-  
t̄i maleficio taciturnitatis, ac tanto iam  
nocentiorem esse; quam proinde vel vi-  
uam vri deceat: quod & nuper nonnul-  
lis factum, quæ fateri aliquoties tortæ  
noluissent.

27. Atque id tunc vocant etiam  
Confessarij, etiam religiosi, obsti-  
natam & impoenitentem decessisse;  
noluisse conuersti, nec deserere con-  
cubi-

cubinum suum; sed seruare ei fidem voleuisse.

28. Quod si autem contingat quamquam ex tot tormentis animam depонere, aiunt ejus à Dæmone elisam ceruicem esse; atque id probant argumento quodam invincibili, quo si uti velis, neminem non omnium hominum sic à Dæmone elidi conficies, ut supra.

29. Quare merito, scilicet, cadauer à lictore educitur, & humatur sub furca.

30. Quod si autem nec Gaia moritur, nec scrupulosi quidam ulterius torqueantur sine nouis indiciis, nec confessam exurere, retinetur in carcere, atque arctioribus vinculis accipitur, ibi vel ad annum integrum maceranda dum subigatur.

31. Neque enim per torturas purgare se unquam potest, & aspersum semel crimen abluere, ut volebant iura. Decus id esset Inquisitoribus semel captam sic emittere: Nocens esse debet per fas nefas, quam illi modo semel vinculis amplexi sunt.

32. In-

32. Interim & tum , & iam ante  
submittuntur Sacerdotes imperiti, im-  
petuosi , lictoribus ipsis importunio-  
res : horum officium est eo vsque mi-  
seram omnibus modis diuexare , dum  
se tandem, siue sit seu non sit, ream fa-  
teatur : ni id faciat saluari simpliciter  
non posse clamant , nec sacramentis  
muniri.

33. Ne vero Sacerdotes sedatores,  
doctioresque , & qui fœni aliquid in  
cornu ac in corde salis gestent, admit-  
tantur , expressissima cautio est. Vti  
& ne quisquam aliis ad custodias ac-  
cedat , qui aduocare aut Principes e-  
rudire possit. Nihil enim quidam æque  
formidant , quam ne quo modo tale  
quippiam se forte prodat , quo capta-  
rum innocentia in lucem profiliat. I-  
taque cuiusmodi generis viris non mo-  
do orbis terrarum iuuentutem, sed & i-  
psi Principes conscientiam suam fi-  
dunt , hos quidam eorundem Princi-  
pum Inquisitores eo habent loco , vt  
non modo à conscientiis reorum  
quantumuis expetiti sint eos remo-  
ueant,

ueant, sed & iactitare ad nobilium  
mensas nuper ausi sint, à patria merito  
exigendos esse, tanquam Iustitiae tur-  
batores.

34. Interea vero dum Gaia sic ut di-  
xi adhuc in carcere attinetur, & à qui-  
bus minime debebat diuexatur, non  
desunt Iudicibus accuratis pulcherri-  
ma inuenta, quibus non modo noua  
indicia contra Gaiam reperiant, sed  
quibus etiam in faciem eam sic con-  
uincant (si Diis placet) vt Iudicio Aca-  
demicorum Doctorum tum saltem vi-  
ua exurenda esse pronuncietur: vti su-  
perius ostensum est.

35. Quidam tamen ex abundanti &  
exorcisiari Gaiam iubent, & in alium  
transferri locum, ac sic iterum torque-  
ri: si hac forte mutatione loci & expia-  
tione maleficium taciturnitatis possit  
discuti: Ac si ne ita quidem proficitur,  
tum demum viuam flammis immit-  
tunt. Scire cupiam me Deus amet, si  
& fassa & inconfessa perit, quis hic tan-  
dem quantumuis innocentie euadendi  
sit modus? Miseram te nimis, quid spe-  
rasti?

446 Dub.LI. Quæ sit summa processuum  
casti? quid non primo in carcerem ac-  
cessu ream te fecisti? Age stulta mulier  
& vesana quid toties vis mori cum pos-  
sis semel? Sequere consilium, & ante o-  
mnem pœnam dic te ream, & morere;  
non euades: nam hæc denique zeli Ger-  
maniæ catastrophe est.

36. Itaque si se quæpiam vi dolorum  
falso semel ream fecit, dici vix potest,  
quæ miseria sit. Nam & medium nul-  
lum suppetit apud plerosque qui euadat,  
& alias quoque reas facere cogetur  
quas nescit, quasq; non infreuent  
Quæsitores in os indunt, aut lictor sug-  
gerit, aut quas iam ante infames, aut de-  
latas, aut semel captas & dimissas audi-  
uerunt: quæ cum rursum alias, & illæ  
quoque alias indicare debeant, & sic  
deinceps; quis non videt in infinitu-  
ri oportere?

37. Quare & ipsi Iudices vel ab-  
rumpere processus, & damnare ar-  
tem suam debent, vel & suos deni-  
que, & semet, atque omnes exure-  
re: Nam ad omnes tandem falsissimæ  
denunciationes excurrent, &, si mo-  
do

do tormenta succedant , fontes osten-  
dent.

38. Vnde & iij denique inuoluuntur ,  
qui initio vel maxime clamabant ut incen-  
dia constanter alerentur : Neque enim  
præuidebant imprudentes , ad se  
quoque ordinem necessario peruentu-  
rum. Et hi quidem iusto Iudicio DEI:  
quippe qui pestilentibus suis linguis  
cum tot nobis maleficos creassent , tot  
innocentes ignibus addixerunt.

39. Sed iam multi prudentiores at-  
que eruditiores id cernere paulatim in-  
cipiunt , & quasi ex graui somno excita-  
ti aperire oculos , ac lentius cautiusq;  
ſauire.

40. Neque est quod negent Iudi-  
ces se ex solis denunciationibus ad  
tormenta procedere : ostendi enim  
supra vere procedere , ac proinde fal-  
lere optimos suos Principes cum ne-  
gant. Nam & fama quam fere cum de-  
nunciationibus coniungunt , inualida  
est semper atque nulla , cuin legitime  
nunquam probetur: Et de Stigmatis que  
augantur , miror nondum annotatum

à sa-

448 Dub.LI. Quæ sit summa processuum  
à sagacibus esse, fallacias fere esse licto-  
rum.

41. Interim vero dum sic feruent  
processus, & quæ torquentur aliæ alias  
strenue denunciant acerbissimis cru-  
ciatibus coactæ; mox foras manat qui  
nam hi & isti sic denunciati sint: Nam  
hæc ratio secreti est eorum, qui quæ-  
stionibus intersunt: Et id non sine suo  
fructu, cum hinc subito contra de-  
nunciatos indicia captare possint per  
hoc dilemma: Nam si qui audiunt se  
delatos esse ut sane audiunt; vel tum  
illi fuga se subducunt ne capiantur,  
vel constantes in loco manent: Si fu-  
gam arripiunt, iam hoc aiunt ingens  
culpæ & metuentis conscientiæ indi-  
cium est: Si manent autem, tum &  
hoc indicium est: quia dæmon, aiunt,  
eos detinet, ne abire possint; vt  
nuper non semel cum gemitu audire  
debui.

42. Præterea si quis adit Quæsidores,  
& an verum sit quod audit, interrogat,  
quo mature defendat sese, & via iuris  
venienti incommodo occurrat; iam  
id

id quoque pro indicio est , quasi conscientia & culpa eum moueant , contra quem nihil tamen ab Inquisitoribus sit adhuc motum.

43. Sed & quicquid agat conciliat sibi famam ; quæ post annum vnum & alterum sat adulta , ad torturam sufficiat cum denunciationibus coniuncta , licet ipsa hæc ex denunciationibus primum contracta sit : nam & hæc exempla vidi.

44. Similiter eis euerit quoscunque calumniam aliquam à maleuolo quopiam pati contigerit : Nam vel defendunt se iudicio , vel non defendunt : Si non defendunt , indicium id culpæ est , quod tacent : Si defendunt autem , iam latius spargitur calumnia , & suspiciones ac prurigo vestigandi commouentur iis , qui ante ignorabant , diditurq; mox fama , quæ deinde nunquam obruatur.

45. Itaque nihil pronius factu est , quam vt hos quoque facillime nominare eæ soleant quæ interea tor-

Gg

quen-

450 Dub.LI. Quæ sit summa processuum  
quentur, & nominare aliquas cogun-  
tur.

46. Vnde & COROLLARIUM  
quoddam consequitur rubrica eno-  
tandum : quod si modo processus  
constanter vrgeantur , neminem hoc  
tempore cuiuscunque sexus , fortu-  
narum , conditionis & dignitatis fue-  
rit , sat esse tutum , qui modo aliquem  
sit naëtus hostem & detractorem , à  
quo in Magiæ suspicionem & famam  
pertrahatur. Ut sane quocunque me  
obuertam miserrima horum tempo-  
rum sit ratio , nisi aliter prouideatur.  
Dixi supra , & verbo repeto , non pos-  
se pestem hanc , quæcunque est , in-  
cendiis aboleri : sed aliter tamen effi-  
cacissime posse vix paucō sanguine ef-  
fuso. Sed quis nosse volet ? Plura di-  
cere conantem dolor obruit , vt accu-  
rate & ad vnguem summam hanc per-  
ficere non possim , nec , quod alias  
non inutile futurum erat , versionem  
Germanicam meditari: Erunt fortas-  
se qui id patriæ suæ & innocentum a-  
moti

*contra Sagas hodie apud multos in vſu?* 451

mori dabunt, vt accuratius perficiant.  
Id ego denique eruditos omnes, &  
pios, ac prudentes, moderatosq; re-  
rum æstimatores ( nam cæteros non  
moror ) per omnipotentis Iudicis tri-  
bunal obtestor, vt quæ scripsimus tra-  
ctatu hoc, non parum ſedulo euolânt, NB  
& expendant: In magno périculo fa-  
lutis versantur Magistratus omnes &  
Principes, niſi attentissimi eſſe velint.  
Non mirentur, ſi quid acriter ſubin-  
de & animose eos admoneo: neque  
enim inter eos me eſſe deceat, quos  
appellat Propheta canes mutos non  
valentes latrare. Attendant ſibi & v-  
niuerso gregi, quem de manu co-  
rum olim D E v s accuratiffi-  
me requirięt.

¶ (O) ¶  
¶

Gg 2

AP